



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

7. Januarij. Vnusquique persuasum habeat: tantùm se in spiritu alibus
profecturum, quantùm ab amore sui, & commodi proprii affectione sese
subtraxerit. S. Ignat. apud Bart. I. 4. §. 22.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

7. Januarij.

Unusquisque persuasum habeat: tantum se
in spiritualibus profecturum, quantum ab
amore sui, & commodi proprii affectione
se se substraxerit. S. Ignat. apud Bart.
l. 4. §. 22.

Nemo potest duobus Dominis servire,
unum ex iis odio habebit, & alterum
dilget. Cor divisum esse non potest. Par-
tem Deus non accipit, si eam terrena gra-
vent, & inficiant.

Hæc unica torporis nostri causa est,
quod ita diligamus Deum, ut nosmetipso
non omnino aspernemur, hoc est: partem
in utramque claudicamus, & ideo tam len-
to, tamque incerto pede ad æternorum
amorem assurgimus.

Ut ovum à sole non attrahitur in subli-
me, nisi vacuum; nec lignum flammarum
concipit, quâmidiu est madidum; ita quò
minus anima corporalibus adhæret, eò ra-
tionis, divinorumque capacior, & magis
sua, est.

Irrationalis, brutusque appetitus quam-
diu penitus extinctus non est, semper ad-

vers

versus rationem, & sanctiores affectus insurgit, & nativo pondere ad ima retrahit, Resolutione opus est, ut ex toto in spiritualem convertatur.

8. Januarij.

Non potest fieri quid dignum Deo, quin vel mundus tumultuerit, vel infernus turbas cieat. S. Ignat. apud Nolar.

SEmper infestæ luci sunt tenebræ, nec bonos inter & malos firma coalescit amicitia. Ut vermis fructus magis maturos, ita malitia eos plerumque arrodit acerbius, qui meliores.

Certum bonitatis indicium est, malis displicuisse; vituperium foret à talibus amari, & commendari. Nihil pensi habe, si de te illi loquantur male, qui nihil faciunt bene.

Nec censeri debet malum, unde meliores simus. Cos ista virtutis est. Non parum juvant mali probos, dum persequuntur; augent patientiam, merita cumulant.

Quid times? nec mundus, nec infernus totus quidquam in te possunt! ubi plura sunt obstacula, ibi abundantior est Dei

gra-